

ТАНЛОВ ТЎҒРИСИДА БИЛИШ ЛОЗИМ БЎЛГАН МАЪЛУМОТЛАР

1. Конкурса ким қатнашаолади?

Конкурса камида бакалавр даражасига эга бўлган олий маълумотли ёш мутахассислар* қатнашишлари мумкин.

**фақатгина эълон қилинган мутахассисликлар бўйича*

2. Конкурса чет эл фуқароси қатнаша оладими?

Танловда фақат Ўзбекистон фуқаролари қатнашиш ҳуқуқига эга.

3. Ёшжихатидан чегараланишлар борми?

Танловда 35 ёшдан катта бўлмаган фуқаролар қатнашиш имкониятига эга.

4. Қатнашувчи га қўйилган талаблар?

Фонд грантини қўлга киритишни истаган республикамиз ҳамда чет эл олий таълим муассасаларини муваффақиятли битирган иқтидорли ва истеъдодли йигит-қизлар (кейинги матнда номзодлар)га қўйиладиган асосий талаблар:

фаолиятини миллий истиқлол гоёларига бағишлаш, Ватани ва халқининг иқтисодий ва маънавий равнақига хизмат қилишни ўз бурчи ва ҳаётий маслағи деб билиш;
умумбашарий ва миллий кадриятлар руҳида фикр юритиш, кенг дунёқараш ва юксак ахлоқ соҳиби бўлиш;

танлаган мутахассислиги бўйича чуқур билимга эга бўлиш ҳамда камида битта хорижий тилни аъло даражада билиш.

Ўзбекистонни, унинг маориф мактаби ва илмий анъаналарини чет элда муносиб тақдим этиш, танланган мутахассислик бўйича замонавий билимларни эгаллаш қобилиятини намоён этиш.

5. Қайси ўқув тизимлари бўйича таҳсил олса бўлади?

Қатнашчилар (2 йилдан ортиқ бўлмаган) магистратура дастури бўйича таҳсил олиш имкониятини қўлга киритиш учун танловда қатнашадилар.

6. Қайси чет эл давлатларида таҳсил олиш имконияти берилади?

Европа ва Россия олий таълим муассасаларида.

7. Қандай йўналишлар бор?

Номзодлар қуйидаги йўналишлардан бирида магистратура дастурида ўқиш имконияти берувчи танловда иштирок этадилар:

1. Қайта тикланувчан энергия манбалари.
2. Кимё. Кимё технологияси.
3. Сув ва ер ресурсларини бошқариш.
4. Машинасозлик технологиялари.
5. Архитектура. Бино ва иншоатларни қуриш.
6. Автомобиль йўллари, кўприклар, тоннеллар, йўл ўтказгичлар ва аэродромларни лойиҳалаш ва қуриш.
7. Текстиль саноати технологиялари ва ускуналари.
8. Туризм хизматларини ташкил этиш ва бошқариш.
9. Ахборот хизматлари ва жамоатчилик билан алоқалар.

8. Ҳужжатлар рўйхати?

Ислом Каримов номидаги республика хайрия жамоат фонди грантини олиш бўйича танловда иштирок этиш учун талаб этиладайган ҳужжатлар рўйхати:

- Фонд томонидан тасдиқланган шаклдаги танловда иштирок этишга ариза;
- Олий таълим муассасаси ректори (ташкилот, корхона, муассаса раҳбари) номидан танловда муносиб номзод сифатида иштирок этиши тўғрисидаги Тавсиянома;
- Олий таълим муассасасининг охириги босқичида таҳсил олаётганлиги тўғрисида маълумотнома;
- Паспорт нусхаси;
- Олий таълим муассасасини битирганлиги тўғрисидаги Диплом нусхаси;
- Баҳолари кўрсатилган диплом иловаси нусхаси ёки рейтинг дафтарчаси нусхаси;
- Танлов иштирокчиси томонидан имзоланган «Чет эл олий таълим муассасаларида магистрлик дастури бўйича таҳсил олиш учун Ислом Каримов номидаги республика хайрия жамоат фонди таълим грантларини олиш бўйича ўтказиладиган IV-танлов Низоми»дан кўчирма.

9. Ҳужжатлар қабули қачон бошланади?

Ҳужжатлар 2019 йилнинг 15 октябрдан 10 ноябргача онлайн тарзда қабул қилинади.

10. Фонд қаердажойлашган?

Ислом Каримов номидаги республика хайрия жамоат фонди қуйидаги манзилда жойлашган: Тошкент шаҳар, Мирзо Улуғбек тумани, Мовароуннахр кўчаси, 24-уй.

a. Қандай етиболса бўлади?

Фондга жамоат траспортидан метро ёрдамида (Ҳамид Олимжон станцияси) етиб олса бўлади (кулайлик учун харитага қаранг)

b. Манзил харитаси?



c. Мўлжал:

Мирзо Улуғбек истироҳат боғи, Банк-молия академияси биноси, “Сен ёлғиз эмассан” хайрия жамоатчилиқ фонди биносида.

11. Фонд иш соатлари?

Иш кунлари: душанба-жума

Иш вақти: 9:00 – 18:00. тушлиқ 13-00.

12. Танлов нечта босқичдан иборат?

Танлов тўрт босқичдан иборат.*

1	2	3	4	
Чет тилидан сараловчи имтиҳон	Танланган мутахассислик бўйича имтиҳон	Мутахассислик бўйича оғзаки имтиҳон	Маънавий психологик ҳислатларни аниқловчи тест ва суҳбат	Чет тилидан хал қилувчи расмий имтиҳон

*Агар қатнашчиларнинг сони кўпайиб кетса, ҳаққонийлик асносида муносиб номзодни аниқлаш мақсадида *чет тилида танланган мутахассислиги бўйича қўшимча ёзма имтиҳон* ўтказилади.

13. Имтиҳонлар:

а. Қаерда бўлиб ўтади?

Имтиҳон бўлиб ўтадиган манзил олдиндан фонд биносидаги маълумот деворида ҳамда фонднинг Telegram - каналида мунтазам равишда эълон қилинади.

б. Имтиҳон топшириш учун қандай ҳужжатлар керак?

Қатнашчи имтиҳонга паспорт (оригинал) олиб келиши шарт.

с. Ким ўтказди?

Ҳар бир имтиҳон махсус таклиф этилган тегишли соҳада кўп йиллик амалий тажрибага эга бўлган малакали мутахассислар, тегишли соҳа йўналишидаги олий таълим муассасалари профессор-ўқитувчиларитомонидан ўтказилади.

д. Имтиҳон натижаларини ким текширади?

Имтиҳонларни ҳамкор ташкилотлардан бириктирилган ҳамда мутахассис профессор-ўқитувчилардан иборат махсус ташкил этилган гуруҳ аъзолари текширади.

е. Қаерда эълон қилинади?

Натижалар фонднинг Telegram–каналда мунтазам равишда эълон қилинади.

14. Қатнашчининг махсус чет тили билим савиясини тасдиқловчи халқаро тоифадаги сертификати бўлса имтиҳон топшириш шартми?

Инглиз, немис ёки француз тилидан расмий сертификати бор танлов иштирокчилари чет тили тестидан озод этилади. Сертификатнинг амал қилиш муддати имтиҳон пайтида тугамаслиги керак.

15. Тавсиянома керакми?

Керак. Тавсиянома олий таълим муассасаси ректори (ёки корхона, ташкилот, муассаса рахбари)томонидан қатнашчи танловда иштирок этиши учун тақдим этилиши лозим.

16. Бирнечта мутахассисликларга бирдан илтифот қилинса бўладими?

Қатнашчи фақат битта мутахассисликга хужжат топшириш ҳуқуқига эга.

17. Танлов давомида йўналишни ўзгартирса бўладими?

Бирламчи танланган мутахассислик йўналишини танлов мобайнида ўзгартириш мумкин эмас.

18. Фонд билан қандай боғланса бўлади? Маълумот учун қаерга мурожаат қилиш керак?

Танлов масаласида фонд ишчи гуруҳига қуйидаги телефон рақамлари орқали мурожаат қилишингиз мумкин: **237-34-20, 237-38-13.**

19. Фонд стипендиатига қандай мажбуриятлар қўйилади?

Фонд стипендиати билан махсус шартнома тузилади, унга асосан стипендиат ўқишни муваффақиятли битиргач, Ўзбекистонга қайтиб, ўзи танлаган корхона/муассасада 3 (уч) йил ишлаб бериш мажбуриятини ўз зиммасига олади.